

## ISTANBUL NOVA GODINA

**31.12.2024. – 05.01.2025. 6 dana / 5 noćenja**

Istanbul, univerzalna ljepota u kojoj pjesnik i arheolog, diplomata i trgovac, princeza i mornar, sjevernjak i zapadnjak vrište s istim divljenjem. Cijeli svijet misli da je ovaj grad najljepše mjesto na svijetu.

**CIJENA ARANŽMANA: 949,00 KM**

Cijene izražene po osobi u dvokrevetnoj / trokrevetnoj sobi.

### Cijena aranžmana uključuje:

- avio karta Sarajevo-Istanbul-Sarajevo/ Turkish Airlines sa uključenim koferom do 23 kg + ručni prtljag do 8 kg )
- aerodromske takse
- smještaj u hotelu Barin 3+\* (<https://www.barinhotel.com>) na bazi 5 noćenja sa doručkom
- transfer aerodrom-hotel-aerodrom
- organizacija putovanja
- pratilac grupe

### Cijena aranžmana ne uključuje:

- turistička boravišna taksa 24,00 KM (plaća se u agenciji)
- doplata za jednokrevetnu sobu 390,00 KM
- fakultativni izleti prema programu
- putno zdravstveno osiguranje: 10,00 KM za osobe do 60 god. / 20,00 KM za osobe od 60 do 70 god  
30,00 KM za osobe od 60 do 70 god.
- osiguranje od otkaza putovanja 25,00 KM (ostvaruje se jedino uz uplatu putnog zdravstvenog osiguranja) –
- ostale usluge koje nisu izričito navedene u ovom programu
- popusti za djecu NA UPIT

### PROGRAM PUTOVANJA:

#### 1. DAN / SARAJEVO – ISTANBUL / 31.12.2024.

Sastanak na sarajevskom aerodromu 2 sata prije leta. Polazak za Istanbul letom TK 1024 u 08:15h. Po dolasku u Istanbul (12:15h po lokalnom vremenu), te nakon pasoške i carinske kontrole transfer prema hotelu. Uz informacije o najljepšem gradu u Turskoj, doživjet ćete ugodnu vožnju i uživati u živopisnim pejzažima. Po dolasku u hotel, prijava i smještaj u sobe. Slobodno vrijeme do **fakultativnog** odlaska na doček **Nove 2025. godine** gdje ćete uz večeru sa neograničenim pićem uživati u orijentalnom show programu: trbušni ples, folklorni ples, animacijske grupe i tursku muziku. Povratak u hotel. Noćenje.

## 2. DAN / ISTANBUL / 01.01.2025.

Doručak. Poslije kasnog doručka **fakultativni izlet** koji uključuje krstarenje Bosforom obilazak četvrti Ortakoy i Taksima. Vožnja brodicom po Bosforu (cca 1,5h-2h) ispod Bosforskog mosta koji spaja dva kontinenta, a između dva kontinenta uz razgledanje grada sa Bosfora: Zlatni Rog – najljepši dio Istanbula, Galata most i Galata kula, Džamija Selimija, Dolmabahče palata – posljednje sjedište sultana, Beşiktaš, Ortakoj kvart, Rumeli hisar – čuvena vizantijska tvrđava, Jedi kule (sedam kula) i mnoge vile turskih milionera koje se nalaze uz samu obalu Bosfora (Azijska strana Istanbula). Nakon krstarenja posjeta Ortakoy-a najpoznatijem izletištu osmanskih vladara. U njemu se nalazi veliki broj restorana, barova, prodavnica i shopping centar. U Ortakoyu morate probati najljepši kumpir (kumpir) i čuvene vafle. Nakon kraće pauze vozimo se prema Taksimu, slobodno vrijeme za šetnju Istiklal ulicom prepunom trgovina, kafića i restorana. Povratak u hotel. Noćenje.

## 3. DAN / ISTANBUL / 02.01.2025.

Doručak. Nakon doručka slobodno vrijeme ili **fakultativno** odlazak do vidikovca Pieere Lotti, odakle se pruža najljepši pogled, vidi se cijeli Istanbul, Bosfor i njegovi mostovi - jedan od najljepših utisaka koje ćete ponijeti kući. Slijedi obilazak kvarta Eyup i obilazimo džamiju Eyup Sultan koju opisuju kao jednu od omiljenih džamija u islamskom svijetu, naročito za posjetioce iz inostranstva. Smještena na mjestu gdje se gradske zidine sastaju sa Zlatnim rogom, "najsvetija" džamija i turbe Eyup Sultanu su jedna od lokacija koja privlači najveći broj turista u Gradu na Bosforu.

Nakon obilaska nastavljamo prema Balatu, Boemskoj četvrti koja se nalazi na evropskoj strani grada. Prepun je historijskih zdanja i šarmantnih kafića, ima atmosferu koju nećete pronaći u nekom drugom dijelu Istanbula. Kraći razgled i foto pauza. Slijedi posjeta shopping centru Venezia outlet, dašak Italije u Turskoj. Kanal s vožnjama u gondoli i starinski šarm ulica doprinose uređenju ovog velikog trgovačkog centra na temu Venecije. Ovdje čak možete posjetiti i trg svetog Marka - virtualno. Slobodno vrijeme za kupovinu. Povratak u hotel. Noćenje.

## 4. DAN / ISTANBUL / 03.01.2025.

Nakon doručka **fakultativni izlet** na Čamildžu – posjeta džamiji Čamlidža. Riječ je o novoj džamiji najvećoj u Turskoj. Nova istanbulska ljepotica izgrađena je u osmansko-seldžučkom stilu sa elementima moderne gradnje i zbog izgleda i položaja već predstavlja upečatljiv simbol grada na Bosforu, odakle se pruža najljepši pogled na Istanbul, Bosfor i njegove mostove. To je jedan od najljepših utisaka koje ćete ponijeti kući. Nakon toga slijedi odlazak do Uskudara i čuvene Djevojačke kule (danas svetionik). Ova kula je jedan od simbola Istanbula i nalazi se na Bosforu. Legenda kaže da je car sagradio kako bi spasio svoju kćerku na osnovu proročanstva po kojem će princeza umrijeti od ujeda zmije. Ova izolovana kula nije uspjela da izmjeni sudbinu careve kćerke koja je jednog dana poslala sluge po jabuke u čijoj korpi se krila i zmija koja ju je ujela ( slobodno vrijeme za slikanje i čaj). Ukoliko vremenski uslovi budu dozvoljavali postoji prilika posjetiti čuvenu Bagdad ulicu. Povratak u hotel. Noćenje.

#### **5. DAN / ISTANBUL / 04.01.2025.**

Doručak. Nakon doručka **fakultativni** obilazak historijskih i kulturoloških znamenitosti starog dijela grada u pratnji profesionalnog vodiča: Sulejmanija džamija (Suleymaniye Camii) je druga po veličini džamija u Istanbulu, smještena na 'trećem brdu', usred kompleksa islamskih građevina. I ona je, kao i Plava džamija, a i mnoge druge, građena po uzoru na Aja Sofiju, što pokazuje vrlo jak vizantski uticaj na islamsku arhitekturu. Graditelj je čuveni Mimar Sinan, najveći arhitekta Otomanske imperije. Iako je posjećuje manje turista nego Plavu džamiju, sa svoje uzvišene pozicije na brdu ostavlja monumentalniji i spokojniji dojam. U njoj je turbe osmanlijskog sultana Sulejmana Veličanstvenog, koji ju je i dao sagraditi u 16. vijeku, kao i njegove žene Haseki Hurem. zatim sultana Ahmeta II, te samog arhitekta Sinana.). Odlazak na Sultanahmetov trg gdje ćete imati priliku obići Hipodrom sa monumentima (Njemačka fontana, Egipatski Obelisk, Zmijski stub); Sultan Ahmetova džamija poznatija kao Plava džamija jedinstvena po tome što ima 6 minareta; Aya Sofija – bivša Bizantijska crkva koja je za vrijeme osmanskog carstva pretvorena u džamiju. Nakon obilaska odlazak do Kapali čaršije te slobodno vrijeme za obilazak i shopping. Povratak u hotel. Slobodno vrijeme za odmor. Noćenje.

#### **6. DAN / ISTANBUL – SARAJEVO / 05.01.2025.**

Doručak u hotelu. Slobodno vrijeme do transfera na aerodrom, koji je predviđen u 15:00h. Let za Sarajevo u 19:30h na liniji TK 1025. Dolazak u Sarajevo predviđen je u 19:25 h po lokalnom vremenu. **Kraj usluge.**

#### **VAŽNA NAPOMENA:**

Usljed velikog broja grupa i posjetilaca u novogodišnjem periodu može doći do promjene redoslijeda realizacije fakultativnih izleta, pri čemu će kvalitet izleta ostati nepromijenjen.

#### **1. OPSTI PODACI O ZEMLJI**

Turska, tačnije Republika Turska, država je u jugozapadnoj Aziji. Transkontinentalna je, veći dio njenog teritorija je u Aziji, dok je manji dio u jugoistočnoj Evropi. Tursku zapljuskuju valovi Sredozemnog, Egejskog i Crnog mora. Mramorno more je unutrašnje more koje spaja Tursku s Evropom i koje je prirodnim kanalom Dardaneli povezano s Egejskim morem, a kanalom Bosfor sa Crnim morem. Turska na zapadu graniči s Grčkom i Bugarskom, na istoku s Gruzijom, Armenijom, Azerbejdžanom i Iranom, a na jugu sa Irakom i Sirijom. Predivni pejzaži, ugodna klima, te bogat biljni i životinjski svijet nešto je čime se Turska svakako može ponositi, kao i uticajem raznih kultura i naroda, koji su doprinijeli bogatoj kulturi i historiji zemlje.

**Površina zemlje:** 783.356km<sup>2</sup>

**Broj stanovnika:** 83 miliona stanovnika (2019.)

**Glavni grad:** Ankara (5.6 miliona stanovnika (2019.)), dok je najveći grad Istanbul (oko 16 miliona stanovnika)

**Nacionalnost:** turska

**2. Službeni jezik:** turski jezik

**Vjeroispovijest:** islam

**Nezavisnost:** 29. oktobar 1923. godine

**3. VREMENSKA ZONA**

Vremenska zona je GMT+1, te je u odnosu na BiH 1 sat unaprijed. Ljeti I 2 sata unaprijed zimi

**4. KLIMA**

Egejsku i sredozemnu regiju karakterizira divna mediteranska klima – vruća i suha ljeta, blage i vlažne zime. Crnomorsku regiju odlikuje vlažna subtropska klima s konstantnim padavinama tokom godine, tako da su ljeta toplja i vlažna, zime su hladne i vlažne. Planinski vjenci duž obale ne dozvoljavaju mediteranskoj klimi da prođe u unutrašnjost zemlje, te je klima kontinentalna. Na istoku prevladava hladna i vlažna klima.

**5. HRANA I PIĆE**

Turska kuhinja spada među 10 najatraktivnijih svjetskih kuhinja, tačnije treća je u svijetu ako ocjenjujemo kvalitetu i raznolikost. Vrlo je slična mediteranskoj. Osnovu turske kuhinje čini tijesto od pšeničnog brašna za neizbežni bijeli hljeb (ekmek), fide (lepinja), simit, manti (tjesto) i jufka (lisnato tjesto). Pored hljeba, značajno mjesto u turskoj kuhinji zauzima rižoto – jelo od riže. Priprema se na mnogo načina, može biti i glavno jelo, a može ići kao dodatak mesu. Nazivom ćevap (kebab) označavaju se sva jela od mesa, a za Tursku je karakterističan i burek. Kao desert služi se čuvena baklava, koja se često pravi s pistacijama ili čokoladom, lješnjacima, orasima.

**6. LOKALNA VALUTA**

Valuta u Turskoj je turska lira (TRY). 1.00 KM = 19.00 TRY. (kurs na dan objave programa)

**Napomene:**

- Organizator zadržava pravo promjene cijene u slučaju promjene kalkulativnih elemenata od strane avio kompanije (promjena cijena goriva, aerodromskih taksi...)
- Ukoliko se ne ispuni kvota za minimalni broj prijavljenih putnika, agencija zadržava pravo promjene cijene ili otkaza aranžmana, o čemu je dužan pismeno obavijestiti putnike.
- Aviokompanija zadržava pravo promjene satnice letova, u skladu sa propisima koji postoje u međunarodnom avio saobraćaju. Agencija V.I.P. Travels nije odgovorna za otkazivanje, odgađanje, kašnjenje letova ili izgubljenju prtljagu.
- Prilikom rezervacije, potrebno je uplatiti min. 40% od ukupne cijene aranžmana. Ostatak uplate najkasnije do 3 sedmice prije polaska

- STORNIRANJE PUTOVANJA OD STRANE PUTNIKA (dobrovoljni otkaz), skala naplate penala:
- 5% ako se putovanje otkáže od dana potpisa ugovora do 45 dana prije početka putovanja (blagovremeni otkaz)
- 10% za otkaz od 44 do 30 dana prije početka putovanja
- 20% za otkaz od 29 do 20 dana prije početka putovanja
- 40% za otkaz od 19 do 15 dana prije početka putovanja
- 80% za otkaz od 14 do 10 dana prije početka putovanja
- 95% za otkaz od 9 do 6 dana prije početka putovanja
- 100% ako se putovanje otkáže od 5 do 0 dana prije početka putovanja ili kada putovanje već započne, ili u toku putovanja